

Ibuku rĩa Ngai kũrĩ ciana  
nĩrĩrakũrehera



Ruthu:  
Rũgano  
Rwa Wendo



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest  
Alastair Paterson

Rũharĩrĩirio nĩ: Lyn Doerksen

Rũtaũrĩtwo nĩ: Stephen Kimani

Rũtungĩtwo nĩ: Bible for Children  
[www.M1914.org](http://www.M1914.org)


©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.





Korwo no ũkorane na agu na agu aaku, aciari ao, na andũ arĩa othe maarĩ mbere ya bamĩrĩ yaaku no ũmake ũngĩmenya maarĩ andũ a mũthemba ũrĩkũ.

Thĩinĩ wa Bibilia, ũmwe wa andũ a tene a Jesũ aarĩ Ruthu, Mũamombi waarĩ mũhooi wa mĩhianano.



Rũgano rwa Ruthu rũraambĩrĩria Isiraeli thuutha wa ihinda rĩa Samsoni, rĩrĩa andũ a Ngai maatigire kwĩhoka na gwathĩkĩra Ngai. Nĩkwagĩire na ng'aragu nene. Nĩũĩ ng'aragu nĩ kĩ? Nĩguo! Ng'aragu nĩ rĩrĩa gũtakũraga matunda kana irio cia mĩgũnda, na nyamũ o na rĩmwe andũ magakua nĩũndũ wa ng'aragu.



Mũndũ ũmwe, wetagwo Elimeleku, akiuma Bethlehemu arĩ na mĩtumia wake na aariũ aake eerĩ, gwetha irio. Agĩthĩ Moabi, bũrũri ũrĩa andũ a kuo mahooyaga mĩhianano.



Maũndũ  
matiathiire

wega kũrĩ Elimeleku na bamĩrĩ yake kũu Moabi.

Agĩkua, arũmĩrĩrwo nĩ aariũ aake. Mũtumia wake,



KILIONI

ELIMELEKU

MAHALONI

Naomi, agĩtigwo, hamwe na atumia eerĩ a aariũ aake,  
Ruthu na Oripa. Eerĩ maarĩ airĩitu kuuma Moabi.



Naomi, rĩu arĩ mĩtumia wa ndigwa, akĩigua atĩ Mwathani nĩacereire andũ aake, na kũmahe irio.

Agĩtua itua gũcooka mũciĩ kwao.

No rĩu airĩitu aya eerĩ magwĩika atĩa?

Naomi akĩmataara maikare Moabi na mahike rĩngĩ.



Oripa agĩcooka mũciĩ kwao. No Ruthu akĩrega.  
Handũ ha ũguo, Ruthu akĩandĩka irebeta rĩega  
rĩrĩa rĩaugaga atĩ gũtirĩ hĩndĩ agaatika nyaciarawe.





Araata a tene a Naomi nĩmakenire nĩ kũmuona agĩũka  
mũciĩ Bethlehemu. No akĩmeera mamũite "Mara"  
(mũrũrũ) handũ ha Naomi (mwega).

"Nĩũndũ Mwathani nĩandehere  
maũndũ marũrũ."

Naomi acokete atarĩ  
kĩndũ - tiga Ruthu.



Onagũkorwo Ruthu ahoyaga  
mĩhianano ta andũ acio angĩ a  
Moabi, nĩatigĩite kũhooya ũguo na  
agacokerera Ngai wa Isiraeli ũrĩa  
wĩ muoyo. Ruthu akĩruta wĩira na  
kĩo nĩguo Naomi oone gĩakũrĩa.  
O mũthenya arũmagĩrĩra agethi  
mĩgũndainĩ na akoongania ngano  
ĩrĩa yatigaraga.





Boazu, mwene mũgũnda,  
akĩigua ũrĩa Ruthu aarĩ  
mwega kũrĩ nyaciarawe.  
Rĩrĩa acemanirie naake,  
Boazu akĩmũteithia na ũndũ  
wa kwĩra agethi aake matige  
irio nyingĩ mũgũndainĩ  
harĩ na gĩtũmi.  
Boazu akĩambĩrĩria  
kũenda Ruthu.





Rĩrĩa Ruthu eerire Naomi  
ũhoro wa Boazu na ũrĩa  
aarĩ mũtaana, mũtumia  
ũcio mũkuru akĩgooca  
Ngai. "Mũndũ ũcio nĩ  
wa mbarĩ ciitũ,  
ũmwe wa aria  
matũkuhĩrĩirie."






Mahinda mathianga, Boazu akĩenda kũhikia Ruthu na kũrora Naomi na mũgũnda wa andũ ao. No nĩhaarĩ na mũndũ ũngĩ wa mbarĩ ciao waarĩ na mweke wa mbere. Mũndũ ũcio eendaga mĩgũnda no ndeendaga Ruthu ta mĩtumia wake. Watho waugĩite atĩ ndũgĩoire kĩndũ kĩmwe ũtige kĩrĩa kĩngĩ.



Matukũ macio andũ matiageithanagia  
kuonania atĩ nĩmaiguana. Boazu akĩruta  
kĩraatũ na akĩnengera mũndũ  
ũcio andũ othe makĩonaga.



Ūhoro ũcio ũkihinga.  
Ruthu agĩtũĩka mũtumia  
wake. Rĩu we na Naomi  
magĩtwĩka a nyũmba  
ya Boazu.



Boazu na Ruthu magĩĩta  
mũũrũ wao wa mbere  
Obedi. Agĩtũĩka gũũka  
wa Daudi, mũthamaki  
ũrĩa mũnene wa Isiraeli.



Ona ũndũ ũngĩ mũthaka makĩria, mwana ũcio  
Obedi agatũĩka guuka wa Mwathani Jesũ Kristũ.  
Jesũ agĩũka kũgerera mũtaratara wa nyũmba ya  
Daudi nĩguo agatũĩka Mũthamaki wa athamaki  
na Mũhonokia wa thĩ.



Ruthu: Rũgano Rwa Wendo

Rũgano kuma Kiugoinĩ kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩinĩ wa

Ruthu

"Ciugo Ciaku ciatarĩrio nĩrehaga ũtheri."  
Thaburi 119:130



Mũico



Rũgano rŭrũ, rŭrĩa rumĩte Ibukuĩnĩ rĩa Ngai,  
rŭratũmenyithia igŭrũ rĩa Ngai witũ wa magegania,  
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.  
Mũcara wa mehia nĩ gĩkuũ, no Ngai nĩakwendete mũno makĩria  
nginya agĩtũma Mŭrũ wake wa mũmwe, Jesũ, nĩguo oragwo  
mũtharabainĩ na aherithio nĩtondũ wa mehia maku. Nĩacokire  
akĩriũka na akĩinũka mũcĩĩ igŭrũ kwa Ngai! Ũngĩtĩkia Jesũ na ũmũrie  
akuohere mehia maku, nĩegwĩka ũguo! Nĩegũka na atũre thĩinĩ  
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:  
Mwendwa Jesũ, nĩndetĩkia atĩ wĩ Ngai, na nĩwatuĩkire  
mũndũ nĩguo ũkue nĩtondũ wa mehia makwa, na rĩu wĩ muoyo.  
Nĩndakũhoya ũũke mũtũrĩreinĩ wakwa na ũnjohere mehia makwa,  
nĩguo kuma rĩu, ngĩe na muoyo mwerũ, na mũthenya ũmwe ngoka  
ndũranie nawe tene na tene. Ndeithia gũgwathĩkagĩra na  
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o  
mũthenya o mũthenya! Johana 3:16

